


planID 1256 2014 0001

arkivID vv/gggg

Ordførar



Meland kommune

Reguleringsplan for
Øvre Holsbergstien

Gnr. 10 bnr. 40, 45 m.fl.

Reguleringsføresegner
(jf. plan- og bygningslova § 12-7)

Utval	Utarbeid	Sist endra	Sak	Godkjent	ArkivID
UDU					
UDU					
Kom.styre					

§ 1 Generelt

§ 1.1 Det regulerte området er synt på plankart i mål 1:1000, datert 18.3.2016

§ 1.2 Planområdet skal nyttast til følgende føremål:

1. Busetnad og anlegg (pbl § 12–5 ledd nr 1)
 - Bustad
 - Bustader – frittliggjande småhus
 - Bustader – konsentrert småhus
 - Vassforsyningsanlegg
 - Renovasjonsanlegg
 - Leikeplass
2. Samferdselsanlegg og teknisk infrastruktur (pbl § 12–5 ledd nr 2)
 - Veg
 - Køyreveg
 - Fortau
 - Gatetun
 - Gangveg/gangareal/gågate
 - Annan veggrunn – grøntareal
 - Parkering
3. Grønstruktur (pbl § 12–5 ledd nr 3)
 - Grønstruktur
 - Turveg
4. Omsynssoner (pbl § 12–6)
 - Frisiktsone
5. Føresegnsområde (pbl. § 12–7)
 - Føresegnsområde

§ 2 Fellesføresegner

§ 2.1 Byggegrenser

1. Nye bygg skal plasserast innanfor byggegrensa vist på plankartet. Tiltak nemnd i pbl § 29–4 b, som frittliggjande garasje, uthus, liknande mindre tiltak, mindre murar langs veg, parkeringsplassar på bakken og interne turvegar/stiar kan plasserast innanfor bustadføremål og nærmere nabogrensa enn regulerte byggegrenser. Mindre justeringar av byggegrenser er tillat og må godkjennast av Meland kommune ved rammesøknad.
2. Der byggegrense ikkje viser i plankartet er byggegrensa samanfallande med føremålsgrensa.

§ 2.2 Dokumentasjon til byggemelding

1. Ved innsending av rammesøknad skal det leggjast ved situasjonsplan for dei ulike byggeområda med løysing for utomhus, felles leikeareal og minste uteoppahaldsareal, universell tilgjenge, avkjørsel, parkering, snumoglegheit, eksisterande og framtidig terregn, vegetasjon, tilhøve til omgjevnader, murar, fyllingar, skjeringar, trapper, gjerder og handtering av vatn og avlaup i høve overordna utomhusplan. Profilar og illustrasjonar skal syne volum og bygningsform samt tilpassing til terregn og omgjevnader.
2. Ved innsending av rammesøknad for områda BKS1a, BKS1b, BKS2, BKS3 og BKS4 skal det leggjast ved samla situasjonsplan for områda f_SGT, f_BLK2 og f_BLK3 med løysing for dekker, beplantning, leikeapparat, universell utforming m.m.
3. Ved søknad om løyve til tiltak må støynivå dokumenterast og tiltak vurderast:
 - alle bustadeiningar skal ved fasade ha støynivå på mindre enn $L_{den} = 65\text{ dB}$
 - støynivå på utandørs leik- og opphaldsareal skal ikkje overksride $L_{den} = 55\text{ dB}$.
 - alle soverom i kvar bustadeining skal ha vindauge mot fasade der støynivå ikkje overskrid $L_{den}=55\text{dB}$
 - støyavbøtande tiltak naudsynt for å oppfylla krav over skal visast med plassering og høgde i situasjonsplan, jf. § 2.2 pkt. 1.

§ 2.3 Rekkjefølge

1. Det kan ikkje gjevast løye til igangsetting av arbeid på områder før det ligg føre ein godkjend utomhusplan samla for heile området med detaljerte planar for teknisk infrastruktur som vegframføring med murer/skjerings, massehandtering, gatebelysning, VA-anlegg med vassforsyning, overvatn- og spillvasssystem samt uttak for brannslokking.
2. Før det kan gjevast igangsettingsløye må det etablerast utbyggingsavtale mellom utbyggjar og Meland kommune for gjennomføring av tekniske anlegg.
3. Utbygginga kan skje trinnvis. Før det kan gjevast bruksløye for bustadane i dette byggetrinnet må samferdselsanlegg og teknisk infrastruktur som høyrer til vere gjennomført og godkjend av Meland kommune, jf. § 2.3 pkt. 1.
4. Eksisterande tursti i aust må ved utbygging av o_SKV leggjast om før igangsettingsløye dersom den vert råka, og området må sikrast mot fallulykker.
5. Leiikeplass f_BLK5 skal vere ferdig tilrettelagt med sandleikeplass på min. 200 m² før det vert gjeve midlertidig bruksløye/ferdigattest til bustadeiningane i område BKS7.
6. Leiikeplass f_BLK2, f_BLK3 samt område avsett til gatetun (f_SGT) skal vere ferdig tilrettelagt med sandleikeplassar og for etablering av leikeapparat før det vert gjeve midlertidig bruksløye til bustadane i felt BKS1a, BKS1b, BKS2, BKS3 og BKS4, jf. § 2.2. pkt. 2.
7. Innanfor leiikeplass f_BLK4 skal det vere ferdig tilrettelagt med sandleikeplass på min. 250 m² før det vert gjeve midlertidig bruksløye til bustadeiningane i området BKS5 og BKS6.
8. Køyreveg o_SKV med fortau, o_SF, må vere ferdig opparbeidd til avkjørsle til byggeområdet før det kan gjevast mellombels/ferdigattest bruksløye for BKS1a, BKS1b og BKS2 og BKS4.
9. Veg, f_SV6, må vere ferdig opparbeidd før det kan gjevast mellombels bruksløye/ferdigattest for områda BKS5 og BKS6.
10. Veg, f_SV7, må vere ferdig opparbeidd før det kan gjevast mellombels bruksløye/ferdigattest for området BKS6.
11. Veg, f_SV4, må vere ferdig opparbeidd fram til avkjørsle til byggeområdet før det kan gjevast mellombels bruksløye/ferdigattest for områda BKS1a og BKS7.
12. Utbygginga skal skje slik at offentleg infrastruktur ikkje vert overbelasta. Skule og barnehagekapasitet skal spesielt takast omsyn til.

§ 2.4 Krav til utforming

1. Alle terrengeinngrep skal skje mest mogleg skånsamt. Inngrep i terrenget skal minimaliserast og skal bøtast på med tilplanting. Eksisterande steingardar skal skånest.
2. Murar høgare enn to meter skal i hovudsak terrasserast og tilplantast. Utforming av murar må avklarast og godkjennast i utomhusplan, jf. § 2.3, pkt. 1 og situasjonsplanar for dei ulike områda, jf. § 2.2 pkt. 1.
3. Murar og skjeringsar høgare enn ein meter skal søkjast om og må sikrast.
4. Høgare skjeringsar ved vegframføringa skal utformast med mur på langs veg, fylt med jord inn til skjeringsa og tilplantast for å minske inngrepet og skjeringsa.
5. Ved etablering av parkeringsdekke under bakken skal dette dimensjonerast slik at det toler oppfylling av lausmassar i minimum 80 cm høde der dekket går under gatetun og uteoppholdsareal.
6. Bygningar og anlegg skal vere utforma i samspel med omgjevnadane i karakter og form. Bygningar skal ha ein heilskapleg form, volumoppbygging og fremje gode uterom og kontakt med omgjevnadane.
7. Omsynet til landskap skal sikrast i gjennomføring av anleggsarbeidet. Utforming av sideareal, revegeterering og utforming av tekniske anlegg skal ferdigstilla saman med resten av veganlegget.
8. Overskytande jordmasser innanfor området skal i størst mogleg grad takast vare på innanfor området og nyttast ved ferdigstilling. Massebalanse skal ein prøve å oppnå i størst mogleg grad. Overskotsmasse som må kjørast ut skal leverast på godkjent massedeponi.
9. Ved utbygging skal godkjend VA-norm for Meland kommune nyttast, jf. § 2.3 pkt. 1.

§ 2.5 Universell utforming

1. Min. halvparten av nye bueiningar skal utformast som tilgjengeleg bueining.
2. Dersom det er spesielt vanskeleg terrenghilhøve kan prinsippet om universell utforming

fråvikast. Universell tilgjenge skal dokumenterast i utomhusplan og i søknad om rammeløyve, jf. pkt. 2.2 pkt. 1 og § 2.3 pkt.1.

§ 2.6 Utfyllande planar/dokumentasjon

1. VA-rammeplan

VA-rammeplan, datert 4.12.2015 skal leggjast til grunn for vidare detaljprosjektering og rammesøknad.

2. Støyrapport

Støyrapport, datert 18.11.2015 skal leggjast til grunn for vidare detaljprosjektering og rammesøknad.

3. Illustrasjonsplan

Illustrasjonsplan, datert 23.2.2016, er retningsgjevande for plassering av bygg, parkering, leik- og uteoppholdsareal. Mindre tilpassing av høgder på vegar, fortau, gatetun, parkering og leikeplassar kan gjennomførast. Dette under føresetnad av omsyn til god samanheng mellom tilstøytande område.

§ 2.6 Automatisk freda kulturminne

1. Dersom funn, gjenstandar eller konstruksjonar vert oppdaga i forbindelse med gravearbeid, skal arbeid stoppast omgående og fylkeskonservator underrettast, jf. Lov om kulturminne § 8, 2. ledd.

§ 3 Busetnad og anlegg (PBL § 12–5 ledd nr 1)

§ 3.1 Minste uteoppholdsareal og felles leikeareal

1. Minste uteoppholdsareal (MUA)

Minste uteoppholdsareal for områda BKS1a, BKS1b, BKS3 og BKS4 må vere minimum 50 m². Delar av arealet kan omfatte altan/terrasse/balkong i tilknyting til bustadeininga og resten av arealet kan omfattast av føremålet gatetun, f_SGT.

Det skal setjast av minimum 50 m² minste uteoppholdsareal (MUA) pr. bustadeining innanfor områda BKS2, BKS5, BKS6 og BKS7. Minste uteoppholdsareal skal løysast innanfor byggeområdet og kan omfatte felles gatetun, for BKS2, plassar og areal rundt planlagde bygg.

Minste uteoppholdsareal skal ha følgjande kvalitetar:

- Skal vere skjerma mot sjenerande vind, støy, sterke elektromagnetiske felt og trafikkfare.
- Areala skal ha tilfredstillande støynivå ihht. støyretningsline T-1442 (2012).
- Areal brattare enn 1:3 skal ikkje reknast med i krav til MUA.
- Det skal leggjast vekt på at utomhusareala tilfører fellesskapet ein kvalitet som knyt bustadområdet saman på ein heilskapleg måte.

2. Felles leikeareal

- Det skal setjast av minimum 50 m² til felles leikeareal pr. bustadeining for områda BKS1 – BKS7. Alle bustader skal ha tilgang til sandleikeplass ikkje mindre enn 50 m frå bustaden.
- Areal avsett til leikeareal skal ha solrik plassering, ikkje vere brattare enn 1:3, ha ei funksjonell form og skjermast mot vêr, vind, støy, forureining, trafikkfare og anna helsefare.
- Regulerte felles leikeplassar f_BLK2 – f_BLK5 skal ha følgjande kvalitetar:
- Leikeplassar skal plasserast og utformast slik at dei er eigna for leik og opphold heile året, og kan nyttast av ulike aldersgrupper. Det skal leggjast til rette for samhandling mellom barn, unge og voksne.

- 3. Leikeområda f_BLK2 og f_BLK3 skal opparbeidast med sandleikeplass og leikeapparat/møblement som innbyr til aktivitet og felles samlingsplass og skal så langt råd er vere universelt utforma.

- 4. Leikeområda f_BLK4 og f_BLK5 skal i hovudsak nyttast som naturleikeplassar. Områda skal ha universell tilkomst frå nærliggjande bustadområde og parkeringsplass, men skal oppretthalde karakteren av naturområde. Arealet kan etablerast med element som sittebenk, klatretau,

- sklier, klatrenett m.m. Naturleg vegetasjon, spesielle treklynger, utsiktspunkt og verdifull vegetasjon skal bevarast i størst mogleg grad.
5. Leikeområdet f_BLK4 skal opparbeidast med min. 140 m² sandleikeplass ved område f_SPA4 og skal ha universell tilkomst frå område BKS6.
 6. Leikeområdet f_BLK5 skal opparbeidast med min. 200 m² sandleikeplass min. 50 m frå bustadeiningar innanfor BKS7 og skal ha universell tilkomst.
 7. f_BLK1 er felles for område BKS1–BKS7.
 8. f_BLK2 er felles for område BKS1a og BKS1b, BKS2, BKS3 og BKS4.
 9. f_BLK3 er felles for område BKS1a, BKS1b, BKS2, BKS3, BKS4 og BKS5.
 10. f_BLK4 er felles for område BKS5 og BKS6.
 11. f_BLK5 er felles for område BKS7.

§ 3.2 Bustader- frittliggjande småhus (BFS)

1. Område merka BSF stadfestar gjeldande arealbruk med tilhøyrande byggehøgder og utnytting.

§ 3.3 Bustader – konsentrert småhusbusetnad BKS1 – BKS7

1. Byggehøgde og utnytting

Utnyettingsgrad for bygeområda er vist i tabell under. Byggehøgder er påført plankart. Det kan innanfor områda BKS1–BKS6 førast opp leilegheitsbygg/rekkjehus med tilhøyrande infrastruktur, uteopphaldsareal og funksjonar.

Formål	Område	Utnyttig % BRA	Maks kote byggehøgde
Bustader- Konsentrerte småhus	BKS1a	135 %	Kote + 80 m
	BKS1b	175 %	Kote + 80 m
	BKS2	90 %	Kote + 83 m
	BKS3	140 %	Kote + 86 m
	BKS4	80 %	Kote + 86 m
	BKS5	115 %	Kote + 96,5 m
	BKS6	100 %	Kote + 98 m
	BKS7	40 %	Kote+ 68,5

2. Maksimal tillat tomteutnytting innanfor gnr./bnr. 10/40 for områda BKS1–BKS7 samla sett er maks 30 % BRA.
3. Det kan innanfor område BKS7 førast opp fleirmannsbustad med tilhøyrande infrastruktur, parkering og funksjonar.
4. For område BKS1a, BKS1b, BKS3 og BKS4 skal parkering etablerast som anlegg under bakken/under bygg/gatetun, jf. § 7.1.
5. Høgda på trappehus, heishus, rekkrverk og nødvendige tekniske installasjonar kan overstige maksimal byggehøgd med 1,5 meter.
6. Støy
Dersom støy er dokumentert over tilfredsstillande grenser oppgjeve i kommuneplanens arealdel skal avbøtande tiltak utførast, jf. § 2.2 pkt. 3.
7. Bustadeiningane innanfor områda BKS1a–BKS6 skal organiserast som eit sameige, der kvar enkelt bustadeining får eit eige seksjons nr. Ein brukseining kan bestå av ein hovuddel og ein eller fleire tilleggsdelar. Grønstruktur, leikeplasser, gatetun og køyrevegar skal inngå i et realsameige.

§ 3.4 Renovasjonsanlegg

1. f_BRE1–f_BRE4 skal nyttast til renovasjon- hushaldningsavfall, ha fast dekke og skjermast i størst mogleg grad.
2. f_BRE1 er felles for område BKS7, BKS1a og BKS3.
3. f_BRE2 er felles for område BKS1b, BKS2 og BKS4.
4. f_BRE3 er felles for område BKS3 og BKS5.
5. f_BRE4 er felles for område BKS6.

§ 3.5 Vassforsyningasanlegg

1. o_BVF er offentleg og er forbeholdt vassforsyning og trykkaukingsstasjon.

§ 4 Samferdselsanlegg og teknisk infrastruktur (PBL § 12-5 ledd nr 2)

Innanfor arealformål regulert til samferdselsanlegg og teknisk infrastruktur er det høve til å justere grenser og endre grenser for desse formåla for gjennomføring av veganlegget i ulike byggetrinn.

§ 4.1 Køyreveg

1. Køyreveg, o_SKV, omfattar offentleg veg med tilliggjande fortau. Køyreveg skal opparbeidast med utforming og vegbreidder som vist på plankartet.

§ 4.2 Veg/avkjørsler

1. Veg/avkjørsle f_SV1 er felles for gnr/bnr 10/274, 273 og 272.
2. Veg/avkjørsle f_SV2 er felles for gnr/bnr 10/276 og 275.
3. Veg/avkjørsle f_SV3 er felles for gnr/bnr 10/278 og 277.
4. Veg/avkjørsle f_SV4 er felles for områda BKS1a og BKS7, gnr./bnr. 10/43,52, 10/78, 10/46, 58, 77.
5. Veg/avkjørsle f_SV5 er felles for område BKS1b.
6. Veg/avkjørsle f_SV6 er felles for områda BKS5 og BKS6.
7. Veg/avkjørsle f_SV7 er felles for området BKS6

§ 4.3 Fortau

1. o_SF er offentleg fortau langs køyreveg o_SKV.
2. Fortau skal utformast etter prinsipp om universell utforming der terrengtilhøva gjer det mogleg.

§ 4.4 Gangveg

1. f_SGG er felles for gnr./bnr. 10/69 og stadfestar eksisterande bruk.

§ 4.5 Annan veggrunn – grøntareal

1. Går fram av plankartet og gjeld fyllingar, skjeringar, rekkverk, murar, grøfter og andre tekniske anlegg langs vegsystemet innanfor planområdet. Arealet skal òg nyttast til tilpassing mellom veg og tilgrensande formål.
2. Fyllingar skal dekkjast til med jord og plantast til.
3. Murar og skjeringar høgare enn 1 meter må sikrast.

§ 4.6 Parkering

1. Det skal leggjast opp til to parkeringsplassar til bil pr. bustadeining for områda BKS2, BKS5, BKS6, BKS7. Av tal på parkeringsplassar innanfor f_SPA1, skal 35 % reserverast som gjesteparkeringsplassar og innanfor f_SPA2, f_SPA3 og f_SPA4 skal 20 % reserverast til gjesteparkering runda opp til nærmeste heile tal.
2. Innanfor områda BKS1a, BKS1b, BKS3, og BKS4 skal det setjast av 1,5 p-plassar for bil og 0,5 sykkelparkering pr. bustadeining. Av tal på plassar skal min. 5 % vere utforma og reservert rørslehemma. Min. halvparten av alle parkeringsplassar for bil innanfor #1 skal ha moglegheit for å etablerast med ladepunkt for elbil. Utandørs sykkelparkering skal etablerast under tak og med moglegheit for kunne låsast fast.
3. f_SPA1 er felles for området BKS2 samt BKS4 ved lang avstand frå bustad til parkering.
4. f_SPA 2 og f_SPA3 er felles for områda BKS5.
5. f_SPA 2 og f_SPA4 er felles for BKS6.
6. f_SPA5 er felles for gnr./bnr. 10/43,52, 10/78, 10/46, 58, 77.

4.7 Gatetun

1. f_SGT er felles for BKS1a, BKS1b, BKS2, BKS3 og BKS4.
2. Innanfor området gatetun skal det opparbeidast leikeplasar med sandkasser, beplantast, lagast gågater, felt for sykkelparkering m.m.. Det skal vere nok plass til at utrykkingsbilar kan køyre fram til bustader samt høve til å snu innanfor gatetunet. Området kan nyttast som grunnlag for

minste uteoppholdsareal for områda BKS1a, BKS1b, BKS2, BKS3 og BKS4.

3. Gatetunet ska vere universelt utforma.

§ 5 Grønstruktur

1. f_GTV1, f_GTV2 og f_GTV3 er felles for områda BKS1–BKS6.
2. Eventuelle fyllingar/skråningar ved vegframføring er tillate og skal vere jordbeslått.

§ 6 Omsynssone (PBL § 12–6, jf. § 11–8a)

§ 6.1 Frisiktzone

1. Frisiktsoner går fram av plankartet og frisikten er (4x20) meter i kryss.
2. I frisiktsona er det forbode med fyllingar, bygningsmessige konstruksjonar og planting m.m. som er til hinder for frisikt 0,5 meter over vegplanet.

§ 7 Føresegnsområde

§ 7.1 Føresegnsområde

1. Innanfor føresegnsområdet, #1, er det tillate å oppføre parkeringskjellar under føremålet gatetun (f_SGT), utanfor føremålet BKS1a og BKSb.
2. Innanfor føresegnsområda, #2, skal det opparbeidast ny/takast vare på tursti i området. Illustrasjonsplanen er retningsgjevande for plassering av tursti.